

# Use Plattduitschke Jubiläumslied

Melodie : Lilli Marleen

Way, de lust'ge Gruppe „**Plattduitschker Kreis**“ genannt  
schon seit **twintig** Jauhern in Elsen gut bekannt.  
Weil us dat „**Platt**“ seo gut gefällt, sall dat äek garnit iut de Welt,  
dorüme sind way hai, mit „**Kühern**“ help' wai mai.

Hennings Marielies dat hiat in „**Platt**“ wat los  
eawen dorümme is dat bai us de Boss.  
Ganz nette Fruggens und äek Kerls un jeder bringet sainen Vers  
dann sind se olle still, weil jeder lustern will.

Den „**Plattduitschken Dinskerdag**“ niehmet way us frei  
bai düssen platten Dön'kes sind gähern way do bai.  
Jeder kann platt us wat vertellen, 'en Leher briukt way nit bestelln  
wei „**Platt**“ nit kühern kann, de höhert sik dat an.

Way kühert äek van froher, van guder, aller Tait  
van use eig'ne Jugend, de is jä nit seo wait.  
Wie fix is blos de Tait vergaun un de bliw sieker äek nit stau'n  
De Tait mäkt saine Strai' un wai mött immer mai.

Marielies use Chefin, dat hecket oft wat iut  
dann giwt en greaten Iutflug, et geht iut Elsen riut.  
Nieheim, do is dat Käseland, in Leibiarg is Theaterschwank  
,ne Dämpferfahrt was äek - un Pingelbahn mit Rääk.

---

Plattduitschke Bildung de giwt et in Sankt Vieth  
Naturwunner **Siene** was äek schon use Ziel.  
Seogar de **Maiandacht** in „**Platt**“ hiert Elsen froher garnit hat,  
un plattduitschken Gesang; mit echten Heimatklang.

Leiwe Marielies, wat sind way olle freoh  
füer dainen vullen Insatz, wie ginge dat süss teo.  
**Hiartlichen Dank** van ollen hai, mak doch näe länger mit us mai  
hai is doch echt wat los, wenn diu hai bist als Boss.

H J Steins